



partii naleraq

UPA2016/73

Per Rosing-Petersen

**Kalaallit Nunaanni Inatsisartunut qinersisarneq pillugu Inatsisartut inatsisaata allanngortinneqarnissaa pillugu Naalakkersuisut UPA 2017-imut suliniuteqaqqullugit Inatsisartut aalajangiiffigisassaattut siunnersuut. Taamaaliornikkut inatsisartunut qinersinissaq tulleq nallertinnagu Avanersuup, Ittoqqortoormiit-llu immikkut inatsisartunut qinersiveqalernissaat qulakkeersinnaaqullugu.**

(Inatsisartunut ilaasortaq Anthon Frederiksen, Partii Naleraq)

Inatsisartuni ilaasortaq Anthon Frederiksen, Partii Naleraq inatsisartuni ilaasortaanitsinni unamminarsinnaasumik qaqitsinera tungitsinniit qujassutigaarput, imatullu oqaaseqarfigissallugu.

Qitiutillugu sammivaa Inatsisartuni Inatsiserput nr 10 1998-meersoq, taamani nuna tamakkerlugu qinersivinngortinneqarpoq ataasiusoq, tassa imaappoq sumiuussuseq aallaaviginagu tamatta qinigaasugut nuna tamakkerlugu kiffartuussinissatsinnik tunngaveqalerpoq. Siullermiilinnigilaq inatsisip taasuma naliligassanngorlugu qaqinneqartarnera, aammalu allarpasuit assigalugit ajunngitsortaqarlunilu isorinartortaqarsinnaavoq, taamaattorli aamma kingunerivaa Inatsisartuni qinigaasugut akornatsinniimmata nunaqarfimmiut arlallit, illoqarfiillu mikinerit ilanngukutsigit suli amerliallalaassallutik, allaat Naalakkersuisut akornanni.

Taamaattorli qinersisarnermi inatsisip tunngaviatigut nalilersugassaanera isumaqatigiissutigisinnaavarput. Nunatsinnimi tikisitarpaalussuaqarpugut, qanittukkullu allaat tikillugu eqqartoqattaarlugu agguaqatigiisillugu qaammatini 13-niinnarni maaniittarnerat, tassa imaappoq qinersivik naliginnaasoq ukiuni sisamaasarnerata iluani atorfik pingasoriarluni agguaqatigiisillugu inuttalerneqartarpoq. Danmarkimili piumasaqaatinut assigusunik nunatsinni aamma pissutissaqarpugut nalilersuinitisinni ilanngullugu eqqussissanerluta, tassami inuk tikisitaq nunatsinniissimanngisaannartoq qinersinissaq ukiup affaa sioqqullugu inuiaqatigiit iluanni ilisimaqarfiginnii villugu, kulturerput ilisimanngii villugu politikikkullu inissisimaneq ilisimanngii villugu, qaammatinilu 13-niinnarni maaniittussaalluni sunneeqaatanera annertuumik equnganermik tunngaveqartoq uagut isumaqarpugut. Tamanna aamma uppersarnerqarsoraarput §37 ilaanni Naalakkersuisuni akineqarnermini.

Taamaattumik qinerseriaatsip nalilersorneqarnissaanik siunnersuuteqartup oqariartuuteqarnera tunngaviatigut isumaqatigalugu ataatsumiititaliamit sukumiisumik, qulaani tunngavilersuinerput tunngavigalugu, nalilersuisoqarnissaa uagutsinniit kissaatiginartipparput, aappassaaniinnginneranilu inatsiseqarnermut ataatsumiititaliamut innersuullugu.

Qujanaq